



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-332-3/21**
Datum: **07.09.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica Rudnik soli „Tuzla“ d.d. Tuzla za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekata kompleksa Rudnika soli Tuzla, izgrađenih u naselju Tetima, Grad Tuzla, na osnovu člana 109. stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98 i 48/99), donosi:

R J E Š E N J E **o vodnoj dozvoli**

1. Pravnom licu Rudnik soli „Tuzla“ d.d. Tuzla daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekata kompleksa Rudnika soli Tuzla, izgrađenih u naselju Tetima, Grad Tuzla.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da pravno lice, Rudnik soli „Tuzla“ d.d. Tuzla, obezbijedi da se sistem za transport slanice, redovno održava i koristi na način koji će obezbijediti njihovu potpunu ispravnost i funkcionalnost a prema Pravilniku o održavanju, korištenju i osmatranju vodoprivrednih objekata i o tome vodi evidencija.
 - 3.2. Da se redovno vrši ispitivanje vodonepropusnosti rezervoara i zaštitnih tankvana oko rezervoara i poduzmu sve odgovarajuće mjere da budu osposobljeni u skladu sa važećim propisima za održavanje sigurnosti od akcidentnih zagađenja.
 - 3.3. Da se mulj koji nastaje na muljnim ispustima i pratećim elementima riješi na odgovarajući način. Odvoz i konačno zbrinjavanje otpadnog mulja i taloga, kao i opasnog otpada sa predmetne lokacije može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja muljnim ispustima i pratećim sadržajima, neophodno je voditi službenu evidenciju i arhivu.
 - 3.4. Sadržaj (mulj) iz muljne stanice ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.5. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.6. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.7. Osigurati priručna sredstva za brzu intervenciju u slučaju nekontrolisanog rasipanja opasnog otpada i isticanja naftnih derivata (pretakalište izolanta), kako bi se spriječilo moguće onečišćenje voda i tla.
 - 3.8. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07 - 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice Rudnik soli „Tuzla“ d.d. Tuzla obratilo se ovoj Agenciji sa zahtjevom zaprimljenim dana 23.07.2021. godine, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekata kompleksa Rudnika soli Tuzla, izgrađenog u naselju Tetima, Grad Tuzla.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija:

- Ovjerena kopija rješenja o izmjenama podataka upisa u sudski registar broj: 032-0-Reg-21-000459 od 14.04.2021. godine izdato od strane Općinski sud u Tuzli,
- Ovjerena kopija Uvjerenja o poreskoj registraciji izdatoj od Porezne uprave Kantonalni porezni ured Tuzla, od 19.04.2013. godine,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-3784-3/13 od 03.09.2013 godine, izdatog od strane Uprave za indirektno-neizravno oporezivanje Banja Luka,
- Uplatnica za upravnu taksu u iznosu od 70.00 KM,
- Punomoć za Bakalović Kemala sa prebivalištem Turalibegova 73, Grad za podnošenje zahtjeva za vodnu dozvolu u ime pravnog lica, Rudnik soli „Tuzla“ d.d. Tuzla,
- Ugovor o koncesiji za eksploataciju slane vode na ležištu kamene soli Tetima broj: 03/1—4066/13 od 25.02.2013. godine od strane Ministarstva industrije, energetike i rudarstva Tuzlanskog kantona
- Kopija Rješenja o odobrenju za građenje broj: Up/I-br. 06-310-98/89 od 28.02.1989. godine izdato od Republičkog komiteta za energetiku i industriju Sarajevo,

- Kopija Rješenja o odobrenju za građenje broj: Up/I-br. 06-310-151/87 od 15.04.1987 izdato od Republičkog komiteta za energetiku i industriju Sarajevo,
- Kopija Rješenja o vodnoj dozvoli broj: UP-I 25-3-40-400-4/16 od 01.09.2016. god. izdato od strane «Agencije za vodno područje rijeke Save» Sarajevo
- Kopija Rješenja o vodnoj dozvoli br. 04/1-13-21-12913/20 od 18.08.2020.godine, izdato od Ministarstvo za poljoprivredu, vodoprivredu i šumarstvo Tuzlanskog kantona,
- Rješenje o okolinskoj dozvoli za Rudnik soli „Tuzla“ d.d. pogon „Tetima“ Tuzla, broj: UP-I-05/2-23-11-165/16 od 22.06.2017. godine izdato od Federalnog ministarstva okoliša i turizma.
- Plan obavljanja monitoringa po uslovima iz okolinske dozvole,
- Operativni plan za incidentna zagađenja u rudniku soli „Tuzla d.d. Tuzla broj: 07-06/18-954 od 05.03.2018 godine,
- Pravilnik o održavanju, korištenju i osmatranju vodoprivrednih objekata za Rudnik soli „Tuzla“ d.d. pogon „Tetima“ Tuzla,
- Ugovor o isporuci vode iz akumulacije „Modrac“u 2016. godini broj: 040-04-07-1911/20 od 23.10.2015. godine sklopljen između JP „Spreča“ d.d. Tuzla i Rudnik soli „Tuzla“ d.d. Tuzla,

B. Tehnička dokumentacija:

- Glavni projekat infrastrukturnih objekata za Rudnik soli „Tetima“-snabdijevanje tehnološkom vodom i transport slane vode - cjevovodi, rasteretne komore i rezervoari za slanu vodu na trasi cjevovoda, urađen od strane RO „Vodoprivreda BiH“ Sarajevo OOUR za vodoprivredne djelatnosti „Spreča“ Tuzla, februar 1986. godine (uvid prilikom uviđaja),
- Izmjene i dopune Glavnog projekta cjevovoda na dionici Tehnološki fakultet - Rudnik soli „Tetima“-rasteretne komore i rezervoari za slanu vodu na trasi cjevovoda, urađen od strane RO „Vodoprivreda BiH“ Sarajevo, RO „Hidrorad“ Sarajevo, OOUR za vodoprivredne djelatnosti „Spreča“ Tuzla, februar 1988. godine (uvid prilikom uviđaja),
- Dopunski rudarski projekat rezervoara slane vode sa pumparnicom na eksploatacionom polju ležišta kamene soli (knjiga I) urađen od strane „Rud-Prom“ d.o.o. Tuzla, maj 2016. godine (uvid prilikom uviđaja),
- Glavni projekat izvedenog stanja sistema za prikupljanje, odvodnju i zbrinjavanje sanitarno-fekalnih voda urađen od strane „Atrijus Projekt“ d.o.o. Živinice (3x).

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), ovaj organ je pokrenuo upravni postupak, te je dana 03.09.2021. godine izvršen pregled predmetne lokacije - kompleksa Rudnika soli Tuzla o čemu je sačinjen Zapisnik o uviđaju broj: UP-I/25-3-40-332-2/21.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je sljedeće:

Ležište kamene soli „Tetima“ locirano je na južnim padinama planine Majeveca u blizini Gornje Tuzle. Na eksploatacionom polju je moguće locirati 99 eksploatacionih bušotina a trenutno je u eksploataciji 16 bušotina. Metoda eksploatacije je kontrolisanim izluživanjem uz izolaciju stropa sa fluid izolantom, pri čemu se formiraju vertikalne komore. Proizvodni kapacitet jedne bušotine iznosi 50 m³/h.

Proizvodnja slane vode je potpuno zatvoren sistem u kome se tehnološka voda iz akumulacije Modrac sistemom vodoprivrednih objekata transportuje do bušotina na polju izluživanja.

Slanica iz eksploatacionih komora bušotina se dovodi do kolektora u sabirno razdjelnoj stanici, a odatle cjevovodima do rudničkog kruga na Tetimi. Separatorom izolanta zapremine $V=2 \times 80 \text{ m}^3$, iz poluzasićene slane vode se redovno izdvaja izolant, a poluslana zasićena voda odlazi na zasićenje u određene bušotine. Transport slane vode od pogona Tetima do kruga rudnika vrši se jednim cjevovodom, a odatle do čvorišta kod Tehnološkog fakulteta sa dva cjevovoda. Sistem za transport slane vode je na cijeloj dužini gravitacioni i dimenzioniran je na količine koje će se transportovati pri punom korištenju proizvodnih kapaciteta slane vode tj. 144 l/s. Kako na više mjesta slana voda prelazi prevoje, da bi se smanjili suviše visoki pritisci i oslobodio vakum iz sistema, kao i smanjio uticaj na okolinu u slučaju nastanka havarije na cjevovodu, izgrađene su sljedeće rasteretne komore i prihvatni rezervoari: rasteretna komora „Jurkići“ sa prihvatnim rezervoarom ($V=125 \text{ m}^3$), rasteretna komora „Kozlovac“ sa prihvatnim rezervoarom ($V=125 \text{ m}^3$), rasteretna komora „Tušanj 1“ sa prihvatnim rezervoarom ($V=150 \text{ m}^3$), koji je zajednički sa

rasteretnom komorom „Tušanj 2“ i prihvatni rezervoar za deponovanje slane vode kod muljne stanice Tetima.

Pogon „Tetima“ se vodom za tehnološki proces eksploatacije slanice snabdijeva iz akumulacije „Modrac. Očitavanje vode se vrši preko elektromagnetnih mjerača protoka vode koji se nalaze u pumpnoj stanici.

Pravno lice Rudnik soli „Tuzla“ d.d. Tuzla je zaključilo ugovor o isporuci vode iz akumulacije „Modrac“ u 2021. godine sa JP „Spreča“ d.d. Tuzla.

Sistem za snabdijevanje tehnološkom vodom rudnika soli „Tetima“ i sistem za transport slanice su smješteni u iste objekte iako su to dva potpuno odvojena sistema, a što se odnosi na cjevovode, pumpne stanice, rasteretne komore, rezervoare za prihvatanje tehnološke vode, rezervoare za prihvatanje slanice, rezervoara slane vode sa pumparnicom na eksploatacionom polju ležišta kamene soli, šahtovi za muljne ispuste, zračne ventile i sektorske zatvarače na svim potrebnim armaturama.

U rudničkom krugu „Tetima“ smještena su 2 rezervoara tehnološke vode zapremine $V=2 \times 2500 \text{ m}^3$, 2 rezervoara slanice zapremine $V=2 \times 2500 \text{ m}^3$ i 2 rezervoara izolanta (ulja) zapremine $V=150 \text{ m}^3$ koji se nalazi u tankvani koja može da primi, u slučaju curenja, kompletan sadržaj iz rezervoara.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Behija Ahmedić, dipl.inž.tehn.

20 - **Po ovlaštenju**
Rukovodilac sektora za izdavanje vodnih akata

Hariš Ališehović, dipl.inž.građ.

Dostaviti:

- Rudnik soli „Tuzla“ d.d. Tuzla, Tušanj 66, Tuzla (sa prilogom)
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava